

بِسْمِ اللَّهِ الرَّحْمَنِ الرَّحِيمِ
ISLAMSKA ZAJEDNICA BOŠNJAKA U ŠVEDSKOJ – IZBUŠ
UDRUŽENJE ILMIJJE
U P R A V N I O D B O R

08/14

Helsingborg, 28-09-2014.god.

Imamima IZBUŠ


Poštovane kolege, esselamu alejkum!

Danas, 28. septembra 2014. godine, Udruženje ilmijje Islamske zajednice u Bosni i Hercegovini, u čijem sastavu je i Udruženje ilmijje Islamske zajednice u Švedskoj, obilježava 102. godišnjicu osnivanja Udruženja.

Podsjetimo se, na današnji dan 1912. godine održana je Konstituirajuća Skupština Udruženja ilmijje. Cilj osnivanja bio je okupiti u jedno udruženje svu ulemu i doprinijeti jačanju i razvijanju vjerskoga života, izdavanju knjiga i časopisa te pružanju podrške i pomoći svakoj aktivnosti i projektu koji ima za cilj edukaciju, usavršavanje i pripremu vjerskih službenika, prije svega imama, da što bolje i časnije izvrše svoj misionarski zadatak. Prvi predsjednik Glavnog odbora Udruženja ilmijje bio je rahmetli Mehmed Džemaludin ef. Čaušević.

Danas se, također, prisjetimo naših kolega koji su desetljećima iza nas časno obavljali i nosili imamski emanet, odgajali generacije oko sebe sa vjerom u Jednog Boga, njegovali, čuvali i prenosili vrijednosti islama i tradicije Bošnjaka u vremenu i prostoru gdje su živjeli. Mnogi od njih su na tom putu i živote izgubili, ali višestruka dobra djela naših kolega ostala su da trajno svjedoče o njihovom doprinosu islamu, Zajednici i društvu.

Zato danas želim, još jednom, pozvati i sebe i vas da savjesno i odgovorno vodimo svoje džemate, da budemo svjesni važnosti uloge imama koju obnašamo, da svakodnevno unapređujemo svoje obrazovanje i usavršavamo metode koje će dovesti do što većih uspjeha u našem radu.



بِسْمِ اللَّهِ الرَّحْمَنِ الرَّحِيمِ
ISLAMSKA ZAJEDNICA BOŠNJAKA U ŠVEDSKOJ – IZBUŠ
UDRUŽENJE ILMIJJE
U P R A V N I O D B O R

Pozivam vas da, prije svega, sami cijenimo i poštujemo ličnost imama i da se svojim angažmanom borimo za što bolji status imama u džematu, Zajednici i društvu.

Neka nam Uzvišeni Bog pomogne da časno i plodonosno obavljamo svoj imamski poziv i molim Ga da nam pomogne da na najbolji način odgovorimo izazovima vremena i prostora u kojem živimo i radimo.

Uz najtoplije selame iskreno vam čestitam godišnjicu Udruženja!

Nezir-ef. Špiodić

Predsjednik Udruženja